

Calypso DISCOUNT
Hendrikstraat.
JEANS, BLUSA
T-SHIRT
Awor 7,95
CARSON ST. TCH. BLUSA
HANCHO, CARSON 3/4.
9,95
y hopi mas.

SKRIBIDI DEN CARNAVAL

Pa mihor potret di
CARNAVAL
ta
Kodak
Bo mester
USA.

TESTAMENT DI MOMO 1989



Digno Pueblo:

Un biaha mas Aruba por ta satisfecho y orguyoso di por a presenta un carnaval 35 cu a sorprende masha hopi hende. A pesar cu e tempo di preparacion tabata hopi cortico mes nos pueblo Arubano a bolbe duna prueba di su alto grado di su cultura y creatividad den un carnaval grandioso.

Prome cu boso kimami scucha mi testament cual ta lo siguiente:
1** Mi ta laga atras un Carnaval 35 cu a surpasa Carnaval 34 sigur sigur a pesar di tur e criticanan.

2** Mi ta laga atras un Carnaval Arubano sublime, mahestuoso, luboso y yen di ambiente y esun mas sigur y unico na mundo.

3** Tambe mi ta laga un Carnaval di mucho mas bunita di mundo.

4** Mi ta laga atras un palabra di felicitacion na e pueblo cu a presencia e bunita Carnaval na San Nicolas demostrando nan cooperacion cu e paradanen por a pasa sin estorbo.

5** Mi ta laga un suplica pa S.A.C. motiva nos pueblo pa cuminza prepara pa Carnaval 36 cu lo drecha tur mal beis.

6** Mi ta laga e fecha pa e parada grandi di Aruba na Oranjestad y esey ta Diadomingo dia 25 di FEBRUARI 1990, Mi ta ripiti; 25 di Februari 1990;

7** Mi ta laga un palabra di reconocimiento na e emisoranan y Tele Aruba pa e manera cu nan a promove nos Carnaval Arubano, especialmente cu nan a laga composicionnan musical di nos musiconan local haya preferencia riba e musica di afor, pabien sigui asina, pasobra gracias na nos compositoman, areglistanan, cantantenan en una palabra nos musiconan, Aruba ta rico na un bunita repertorio musical propio especialmente den nos temporada di carnaval.

8** Mi ta laga atras tambe e titulo di e tumba di nos Rey di Tumba, Juancho Kock, "Un biaha mas" cu a pas completamente den nos carnaval 35 pasobra un biaha mas Aruba su carnaval a resulta algo fantastico y tambe un biaha mas nos Roadmarch: "Carnaval come again" di Mighty Talent nos rey di calypso y roadmarch a haya un gran acogida den pueblo.

9** Remarcable tambe ta keda e Rey di calypso hubenil, Mighty Dancer, Giovanni Trim, kende su roadmarch "How she Jamming" a keda premia como e roadmarch Jam e aña aki.

10** Mi ta laga un peticion pa acerca Gobierno manera den pasado pa haya un lugar pa warda e bunita road piecenan y carozanan cu por worde usa un biaha mas den luna di Juni, esta den Off-Season, den un carnaval nocturno en cooperacion cu e hotelnan.

11** Mi ta laga un palabra di desaprobacion na esnan cu tin costumbre di stroba e gruponan cu ta goza nan carnaval.

12** Mi ta laga un repeticion pa Gobierno pa laga traha mas palo y cumpra mas cabuya cu aña tras di aña por worde usa pa traha barricada banda di henter e ruta di e paradanen di carnaval of si quiera por ehempel di Stadion te D.O.W. pa asina no tin strobamento di e gruponan.

13** E aña aki mi no tin mucho cos pa laga atras pero si mi tin un gran admiracion pa e gruponan cu a participa den e paradanen e aña aki, no unicamente pa e belleza cu nan a desplega pero tambe pa e resistencia cu nan tabata tin ora cu nan a baila di cuminzamento te na final di e ruta di e paradanen, nan merece un palabra di pabien y danki grandi cu nan a haci un cos grandi cu nan Carnaval.

14** Mi ta laga un suplica na SAC pa percura pa mas pronto posibel traha un propio Carnaval Show Place.

15** Mi ta laga un recuerdo atras di un Jouvert-Morning-Piyama Parade dushi mes cu ni awa por a stop e.

16** Mayoria di hende ta di acuerdo y ann tin razon cu Carnaval 35 a sorprende tur hende y a laga un tremendo impresion cerca nos bishitantenan y huespednan di afor.

17** Mi tin obligacion di laga felicitacion y un danki masha grandi na henter nos comunidad Arubano pa nan gran cooperacion cu a contribui na e gran exito di e gran Carnaval Arubano. E danki manera mi a bisa ta pa henter nos pueblo cual ta inclui tur e candidatanan pa reina infantil, hubenil y grandi, prins y panchonan, gruponan, compositoman, areglistanan, cantantenan, cohuntonan musical, y musiconan, Cuerpo Policial, obras publico, Rode Kruis, tur e clubnan, A.S.U. y lugaman na unda cu SAC a tene su evenementonan, Oficina di Turismo, Gobierno y naturalmente nos comercionan cu ta comprende e significacion di nos fiesta tradicional a bira e maximo atraccion cultural turistico pa nos pais, tambe un gradecimento na Mercurius trading cu a pone un carozo di heinekens na disponible di SAC.

17A** Cu ta mitar di e 35 Carnaval cu nos a caba di celebra ta mi deseo cu awor cu boso ta bay kimami como final di e fiesta di locura cuminza prepara pa celebracion di Carnaval 36 cu mi ta sigur lo drecha e beis di tur esnan cu ta kere cu nan si sa mihor y cuminza spaar pa haci algo grandioso pa asina nos por sigui bisa keto bay cu Carnaval di Aruba si ta Carnaval y despues cu boso caba di kimami bao tono di "Carnaval come again" 3-5 is thirty five. Aruba is number one" Bay cas tranquilo y ban tur uni den un solo pensamiento pa traha pa asuntonan serio cu ta nos dilanti pa progreso y adelanto di nos dushi Aruba. Pabien un biaha mas y danki.

Aruba. Isla di Carnaval, 7 di Februari 1989, bispo di shinishi 1989, bispo di Carnaval 1990 esta Carnaval 36 cu mester bolbe drecha nos beis.
Rey Momo.

** Aunque cu Skribidi no a haya elogio di Rey Momo, e ta contento cu el a haye for di su lectorman. Pa otro aña un biaha mas Skribidi lo tey manera un clabo, cu Rey Momo of sin Rey Momo.

PROBLEMA CU
AIRCO OF
ELEKTRICIDAD
BEL 22188
PA COMFORT
Y
SIGURIDAD
tearasa n.v.

Bon dia shonnan. Simplemente awe Skribidi kier despedi di carnaval 35, cu un biaha mas a demostra cu Aruba si tin Carnaval y a bolbe mantene den top. Tabata tin hopi critica, pero esey no a laga daño atras.

** Loque si Skribidi kier a critica tabata e anochi di parada di Rey Momito, unda pa di dos aña cu ta worde kima, a laga hopi di desea cu no por a mira ni un prins of pancho infantil o juvenil den e parada ni tampoco na Stadion si nan no kier a jump.

Bin busca bo
"Cheese Balls"
na
DAKOTA
EXCHANGE
CENTER
24 paki pa Afl. 13,50
entre 2.00 - 6.00 p.m.
Dialuna pa Diasabra

** Skribidi ta elogia solamente Cachete ya cu e sa kico Aruba ta celebra. Na tur actividad grandinan cu tabata tin Cachete tabata tey manera un clabo. Si no tabata pa Cachete, Dialuna anochi ta ken lo a cende Rey Momito.

** Skribidi ta felicita tur e gruponan cu a participa tanto na San Nicolas y na Playa pa nan bunita sorpresa cu nan a duna na e pueblo di Aruba, pero lastima cu e pueblo no a coopera cu e gruponan.